



ხულოს მუნიციპალიტეტი

სოფელ კორტოხის სასმელი წყლის შიდა
ქსელის სისტემის რეაბილიტაციის
საპროექტო-სახარჯთაღრიცხვო დოკუმენტაციის
შედგენის მომსახურების სახელმწიფო შესყიდვაზე
გამარტივებული ელექტრონული ტენდერის

სატენდერო დოკუმენტაცია

1. ინსტრუქცია ელექტრონულ ტენდერში მონაწილეობის მისაღებად

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულება ხელშეკრულების დადების მომენტისათვის დახუსტდება სატენდერო წინადადების შესაბამისად.

ტექნიკური დავალება

I). სოფელ კორტოხის სასმელი წყლის შიდა ქსელის სისტემის რეაბილიტაციის საპროექტო-სახარჯთაღრიცხვო დოკუმენტაციის შედგენაზე

1.1 შესყიდვის ობიექტის არსებული ვითარების აღწერა:

➤ წყალსადენი ემსახურება სოფელების კორტოხის, ბელეთის, პაქსაძეების, გელაძეების მოსახლეობის ძირითად ნაწილს და სხვადასხვა საზოგადოებრივი დანიშნულების ობიექტებს. წყლის მიწოდება ხორციელდება ერთი ძირითადი წყალსადენის ქსელით, რომელის ქსელის სავარაუდო სიგრძეა 23934,64 გრძ. მეტრი. ქსელი შესრულებულია ლითონის 150 მმ-იანი მილებით. გამანაწილებელი რკინის რეზერვუარიდან სოფლებისათვის წყლები თანაბრად ნაწილდება 5 ტოლ ნაწილად პლასტმასის 40 და 50 მმ-იანი მილებით, სოფელ კორტოხისათვის 2012 წელს არასამთავრობო დაფინანსებით მოწყობილია გამანაწილებელი რეზერვუარი, რომელიც საჭიროებს სარეაბილიტაციო სამუშაოებს. საჭიროა აღნიშნული მონაკვეთიდან დაიგეგმოს სოფელ კორტოხის მიმართულებით შიდა ქსელის მოწყობა არსებული ქსელის ნაწილობრივი რეაბილიტაციით. ქსელის ძირითადი მონაკვეთები სავარაუდოდ საჭიროებს შეცვლას. სოფელში საჭიროა განისაზღვროს გამანაწილებელი შიდა ქსელის მოწყობა კომპაქტურად დასახლებული უბნების მოსახლეობის გათვალისწინებით, რომელთათვისაც მოეწყობა გამანაწილებელი რკინის რეზერვუარები.

➤ წყალსადენის რეაბილიტაციის სამუშაოები უნდა განხორციელდეს შიდა ქსელის სრულყოფილი კვლევების ჩატარების (არსებული წყლის დებეტიტ მოსახლეობის რაოდენობიდან გამომდინარე სამელ წყალზე სრული მოთხოვნილების დაკმაყოფილება)

შემდგომ მონაცემების გათვალისწინებით, სოფელში და მიმდებარედ არსებული წყაროების საპროექტო რეზერვუარებში მოხვედრის შესაძლებლობის განსაზღვრა.

➤ წყალსადენის რეაბილიტაციის სამუშაოები შეთანხმდეს გამგებლის წარმომადგენელს დიოკნისის (კორტოხი, გელაძეები, პაქსაძეები) ადმინისტრაციულ ერთეულში, კორტოხის სოფლის სპეციალისტთან და ააიპ „ხულოს წყალკანალი“-ს ადმინისტრაციასთან;

➤ წყალსადენის ქსელის სარეაბილიტაციო სამუშაოები დაზუსტდეს აგეგმარების დროს და საპროექტო გადაწყვეტილებები წინასწარ შეთანხმდეს შემსყიდველთან;

➤ **საპროექტო-სახარჯთაღრიცხვო სამუშაოები განხორციელდეს ორ ეტაპად:**

პირველი ეტაპი-- კვლევების განხორციელება (15 დღე)

მეორე ეტაპი- საპროექტო-სახარჯთაღრიცხვო დოკუმენტაციის მომზადება (20 დღე);

2.1 საპროექტო დავალება

პირველი ეტაპი

ა. ჩატარდეს კვლევები, შესწავლილი იქნას სოფელ კორტოხის არსებული წყალსადენის მდგომარეობა (დებეტი, რეზერვუარები, შიდა ქსელისთვის გამოყენებული მილების ვარგისიანობა, სოფელში და მიმდებარედ არსებული წყაროების შესახებ სრული ინფორმაცია, ასევე არსებული დებეტის ან მისი გაზრდის შემთხვევაში პროექტის განხორციელების მიზანშეწონილობა).

ბ. არასამთავრობების დაფინანსებით მოწყობილი (სოფლის თავზე) გამანაწილებელი რეზერვუარის ვარგისიანობის განსაზღვრა. გამოყენების მიზანშეწონილობის შემთხვევაში მისი რეაბილიტაციისათვის საჭირო სავარაუდო მოცულობების განსაზღვრა.

მეორე ეტაპი

ა) ძირითადი მოთხოვნები:

ა.ა) საპროექტო დოკუმენტაცია დამუშავდეს „შენიშნულობის ნებართვის გაცემის წესისა და სანებართვო პირობების შესახებ“ საქართველოს მთავრობის 2009 წლის 24 მარტის №57 დაგეგმვით გათვალისწინებული შესაბამის კლასს განკუთვნილი ობიექტებისათვის საჭირო სამშენებლო დოკუმენტის პროექტის შემადგენლობით და „საქართველოს ტერიტორიაზე ტექნიკური ზედამხედველობისა და სამშენებლო სფეროში 1992 წლამდე მოქმედი ნორმების, წესების და ტექნიკური რეგულირების სხვა დოკუმენტების გამოყენების შესახებ“ საქართველოს ეკონომიკისა და მდგრადი განვითარების მინისტრის 2011 წლის 18 თებერვლის №1-1/251 ბრძანების მოთხოვნათა შესაბამისად;

ა.ბ) სარეაბილიტაციო სამუშაოები განხორციელდეს შემდეგი პირობების გათვალისწინებით:

-არსებული წყლის დებეტის შესასაბამისად და სრული ათვისებისათვის ჩატარდეს კვლევები;
-დასაგეგმარებელი და სარეაბილიტაციო სამუშაოები განხორციელდეს არსებული წყალსადენის ქსელების და ნაგებობების დეტალური კვლევისა და შესწავლის შემდეგ;

ა.გ) განისაზღვროს სამუშაოთა მოცულობები და შედგეს სათანადო აქტები (დეფექტური აქტი ან/და შესასრულებელი სამუშაოების მოცულობების უწყისი);

ა.დ) სამშენებლო დოკუმენტის პროექტი უნდა შეიცავდეს:

- განმარტებით ბარათს პროექტზე;
- აზომვით ნახაზებს;

- სარეაბილიტაციო ხაზობრივი ნაგებობების სიტუაციურ გეგმებს;
- დასაგეგმარებელი ქსელების და ნაგებობების სიტუაციურ გეგმებს (ასეთის საჭიროების შემთხვევაში);
- ტოპოგადაღებას და გეოლოგიურ კვლევას (საჭიროების მიხედვით);
- სარეაბილიტაციო ქსელების და ნაგებობების კონსტრუქციულ პროექტს სათანადო დეტალიზაციით (გეგმები, მახასიათებელი ჭრილები, კვანძები და სხვა);
- მშენებლობის ორგანიზების პროექტს, შესასრულებელი სამუშაოების კალენდარული გრაფიკით;
- შესასრულებელი სამუშაოების ხარჯთაღრიცხვას.

ა.ე) ხარჯთაღრიცხვა დამუშავდეს ლოკალურ-რესურსული მეთოდით და სახარჯთაღრიცხვო ღირებულების განსაზღვრა მოხდეს 2016 წლის II კვარტლის დონეზე ფიქსირებული სამშენებლო რესურსების ფასებში სახარჯთაღრიცხვო ნორმების საფუძველზე, ამასთან გათვალისწინებული უნდა იქნას საქართველოს კანონმდებლობით გათვალისწინებული ყველა დანარიცხები და ხარჯები, მათ შორის ტრანსპორტირების ხარჯები განისაზღვროს ძირითადი სამშენებლო მასალების ზიდვის მანძილის მიხედვით. სამშენებლო სამუშაოებზე ზედნადები ხარჯების და გეგმური მოგების ზღვრული ოდენობა განისაზღვროს „სამშენებლო სამუშაოების სახელმწიფო შესყიდვისას ზედნადები ხარჯებისა და გეგმური მოგების განსაზღვრის წესის“ დამტკიცების შესახებ საქართველოს მთავრობის 2014 წლის 14 იანვრის №55 დადგენილების შესაბამისად;

ა.ვ) საპროექტო დოკუმენტაცია იმგვარად უნდა იყოს შედგენილი, რომ უზრუნველყოს შემსყიდველისა და მომწოდებლისათვის მაქსიმალური ინფორმაციის მიწოდება შესყიდვის ობიექტის ტექნიკურ მაჩვენებლებზე, ხარისხზე, სტანდარტებზე, ძირითად საექსპლუატაციო მახასიათებლებზე, გამოსაყენებელ ნედლეულზე და სხვა პარამეტრებზე;

ა.ზ) საპროექტო დოკუმენტაციის შემადგენელი ტექსტური მასალები, სპეციფიკაციები, ნახაზები, ესკიზები, მომსახურების აღწერილობა და სხვა უნდა ასახავდეს სამუშაოების ობიექტურ ტექნიკურ და ხარისხობრივ პარამეტრებს, რომლებიც უნდა ეფუძნებოდეს ეროვნულ ან/და საერთაშორისო სტანდარტულ მაჩვენებლებს, მოთხოვნებს, ტერმინოლოგიებს და პირობით აღნიშვნებს (ასეთის არსებობის შემთხვევაში);

ა.თ) საპროექტო-სახარჯთაღრიცხვო დოკუმენტაციის შედგენისას სარეაბილიტაციო შენობა-ნაგებობების და სხვადასხვა ფართების მოცულობა, განლაგება, ვიზუალური მხარე, ესკიზური პროექტი, გამოყენებული მასალები და სხვა დეტალები შეთანხმდეს შემსყიდველ ორგანიზაციასთან. სხვადასხვა მიზეზების გამო, საჭირო შემთხვევებში, მიმწოდებელთან შეთანხმებით, შემსყიდველი იტოვებს უფლებას შეიტანოს ცვლილებები შეთანხმებულ საწყის გეგმაში: გაზარდოს ან შეამციროს მომსახურების მოცულობა ცალკეულ პუნქტებში.

ბ) დამატებითი მოთხოვნები:

ბ.ა) საკვლევ-სადიებო და საპროექტო-სახარჯთაღრიცხვო სამუშაოების დროულად და ხარისხიანად შესრულებისათვის მოახდინოს დაინტერესებულ ორგანიზაციებთან და პირებთან პროექტის საჭირო წინასწარი შეთანხმებები, გარდა სამშენებლო მოედნის, ტერიტორიის გამოყოფისა და განთავისუფლებისა, რომლებიც წარმოადგენს შემსყიდველის მოვალეობას;

ბ.ბ) პროექტში გათვალისწინებული უნდა იქნეს მშენებლობაში მიღწეული და დაგროვილი გამოცდილებები ახალი ტექნოლოგიებისა და მოწყობილობების გამოყენებით საქართველოს სპეციფიკური პირობებიდან გამომდინარე;

ბ.გ) იმ შემთხვევაში თუ სამუშაოების შესრულების პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენა განხორციელდება ანაზღაურების გარეშე. პროექტირების პერიოდში საპროექტო დავალებით გაუთვალისწინებელი სამუშაოების დაპროექტების საკითხი ზეპირი ან წერილობითი სახით თანხმდება შემსყიდველთან;

გ) მიმწოდებლის პასუხისმგებლობა:

გ.ა) მიმწოდებელი პასუხისმგებელია სრულყოფილი საპროექტო-სახარჯთაღრიცხვო დოკუმენტაციის ხარისხიანად დამუშავება-შედგენაზე; ამასთან დაგეგმარებულ ობიექტზე სამშენებლო სამუშაოების მიმდინარეობის დასრულებამდე საჭიროების შემთხვევაში უზრუნველყოფს საპროექტო დოკუმენტაციის მიხედვით კონსულტაციის გაწევას ან/და მის კორექტირებას შემსყიდველის მომართვის საფუძველზე დამატებითი ანაზღაურების გარეშე.

დ) კუთვნილება:

დ.ა) ამ დავალებასთან დაკავშირებით მომზადებული ნებისმიერი შესწავლა, ანგარიშები, გრაფიკული ან სხვა სახის მასალები ეკუთვნის შემსყიდველს და რჩება მის საკუთრებაში;

დ.ბ) მიმწოდებელს არ აქვს ამ მასალების გამოყენების უფლება სხვა სამუშაოების შესასრულებლად შემსყიდველის წინასწარი თანხმობის გარეშე;

დ.გ) მიმწოდებელი ვალდებულია წარმოადგინოს პროექტის სრული მოცულობის ელექტრონული ვერსია.

ე) საპროექტო-სახარჯთაღრიცხვო დოკუმენტაციის რაოდენობა:

ე.ა) მიმწოდებელი ვალდებულია გადასცეს შემსყიდველს სრული საპროექტო-სახარჯთაღრიცხვო დოკუმენტაცია 5 (ხუთი) ეგზემპლარად ფერად ტონებში და მისი შესაბამისი ელექტრონული ვერსია ჩაწერილი CD დისკზე. საპროექტო ნახაზები წარმოდგენილი უნდა იქნას A3 ფორმატში, ხოლო ხარჯთაღრიცხვა, განმარტებები და სხვა A4 ფორმატში. ელექტრონულ ვარიანტში ტექსტური დოკუმენტაცია (ხარჯთაღრიცხვა, განმარტებები და სხვა) უნდა იყოს დაბეჭდილი Sylfaen - ში, ხოლო ნახაზები PDF ფორმატში. თითოეული ფაილის მოცულობა არ უნდა აღემატებოდეს 7 მეგაბაიტს.

2.2 ზოგადი განსაზღვრებები ტექნიკურ დავალებასთან დაკავშირებით

2.2.1 საპროექტო დოკუმენტაციის შედგენისას გათვალისწინებული უნდა იქნას მშენებლობაში მიღწეული და დაგროვილი გამოცდილებები, ახალი ტექნოლოგიებისა და მოწყობილობების გამოყენება, ობიექტის ადგილმდებარეობისათვის დამახასიათებელი კლიმატური პირობები. ხარჯთაღრიცხვების შედგენისას საპროექტო დოკუმენტაციის ღირებულება უნდა განისაზღვროს დასაბუთებული კალკულაციებითა და ღირებულებებით.

2.2.2 მომზადებული საპროექტო-სახარჯთაღრიცხვო დოკუმენტაცია სრულ შესაბამისობაში უნდა იყოს „მშენებლობის ნებართვის გაცემის წესისა და სანებართვო

პირობების შესახებ“ საქართველოს მთავრობის 2009 წლის 24 მარტის N57 დადგენილებით, „საქართველოს მიერ სხვა ქვეყნების ტექნიკური რეგლამენტების აღიარებისა და მოქმედების წესის შესახებ“ საქართველოს მთავრობის 2006 წლის 24 თებერვლის N45 დადგენილებით და „საქართველოს ტერიტორიაზე ტექნიკური ზედამხედველობისა და სამშენებლო სფეროში 1992 წლამდე მოქმედი ნორმების, წესების და ტექნიკური რეგულირების სხვა დოკუმენტების გამოყენების შესახებ“ საქართველოს ეკონომიკისა და მდგრადი განვითარების მინისტრის 2011 წლის 18 თებერვლის №1-1/251 ბრძანებით განსაზღვრულ პირობებთან.

2.2.3 შემსყიდველს უნდა წარედგინოს საპროექტო-სახარჯთაღრიცხვო დოკუმენტაციის 5 სრული ეგზემპლარი ტექნიკური დავალების შესაბამისად და ელექტრონული ვერსია. ელექტრონული ვერსია უნდა მოიცავდეს სრულ პროექტს წარმოდგენილს კომპაქტდისკზე, ჩაწერილს Archi Cad ან corel draw x4 პროგრამის ციფრული (ელექტრონული) ვერსიის სახით და ხარჯთაღრიცხვას ჩაწერილს Microsoft Office Excel პროგრამის ციფრულ (ელექტრონული) ვერსიის სახით. ასევე სრულ პროექტს ჩაწერილს Adobe Acrobat პროგრამის PDF ფორმატში, ერთი ფაილის მოცულობა არაუმეტეს 7 მგბ-სა.

2.2.4 იმ შემთხვევაში, თუ პროექტანტის დაშვებული ხარვეზების გამო მშენებლობა-რეკონსტრუქციის პროცესში აღმოჩნდება საპროექტო-სახარჯთაღრიცხვო დოკუმენტაციით გაუთვალისწინებელი დამატებითი სამუშაოების შესრულების აუცილებლობა, ამ დამატებითი საპროექტო-სახარჯთაღრიცხვო დოკუმენტაციის შედგენას მიმწოდებელი უზრუნველყოფს არანაკლებ 5 (ხუთი) კალენდარული დღის განმავლობაში, დამატებითი ანაზრაურების გარეშე.

2.2.5 ამ დავალებასთან დაკავშირებული ნებისმიერი ანგარიშები, გრაფიკული ან სხვა სახის მასალები ეკუთვნის შემსყიდველს და რჩება მის საკუთრებაში.

2.2.6 მიმწოდებელს არ აქვს ამ მასალების გამოყენების უფლება სხვა სამუშაოების შესასრულებლად შემსყიდველის წინასწარი თანხმობის გარეშე

2.2.7 საჭირო შემთხვევებში შემსყიდველი იტოვებს უფლებას შეიტანოს ცვლილებები საპროექტო დავალებაში – გაზარდოს ან შეამციროს მომსახურების მოცულობა.

2.2.8 პროექტირების პროცესში საპროექტო დავალებით გაუთვალისწინებელი სამუშაოების დაპროექტების საკითხი ზეპირი ან წერილობითი სახით თანხმდება შემსყიდველთან.

2. 3. მიმწოდებლის პასუხისმგებლობა:

2.3.1 მიმწოდებელი პასუხისმგებელია სრულყოფილი საპროექტო – სატენდერო დოკუმენტაციის ხარისხიანად დამუშავებაზე და სამშენებლო სამუშაოების სახარჯთაღრიცხვო დოკუმენტაციის შედგენაზე;

2.3.2 იმ შემთხვევაში, თუ მიმწოდებლის მიერ დაშვებული ხარვეზების გამო მშენებლობის პროცესში აღმოჩნდება სახარჯთაღრიცხვო ღირებულების 3%-ზე მეტი

გათვალისწინებული დამატებითი სამუშაოების შესრულების აუცილებლობა, ამ ანაზღაურებას მიმწოდებელი იღებს თავის თავზე.

2.3.3 მიმწოდებელი ვალდებულია უზრუნველყოს ფასების ცხრილში მითითებულ ვადაში წარმოდგენილ საბოლოო საპროექტო-სახარჯთაღრიცხვო დოკუმენტაციაში შემსყიდველის მიერ აღმოჩენილი ხარვეზის (უზუსტობა, შეუსაბამობა) გამოსწორება არაუგვიანეს 5 (ხუთი) კალენდარულ დღეში. წინააღმდეგ შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე სატენდერო დოკუმენტაციის „2.8.1“ ქვეპუნქტის შესაბამისად.

2.4 ინფორმაცია პრეტენდენტის გამოცდილების შესახებ:

2.4.1 პრეტენდენტს 2014 წლის 01 იანვრიდან 2016 წლის მიმდინარე პერიოდის ჩათვლით შესრულებული უნდა ჰქონდეს ტენდერით გათვალისწინებული ანალოგიური ხასიათის, სირთულისა და შინაარსის საპროექტო-სახარჯთაღრიცხვო დოკუმენტაციის შედგენის მომსახურება, საერთო ღირებულებით **3 000 (სამი ათასი) ლარის** ოდენობით.

2.4.2 ინფორმაცია წარმოდგენილი უნდა იქნას დანართი №1 შესაბამისად;

2.4.3 პრეტენდენტმა უნდა წარმოადგინოს ტენდერით გათვალისწინებული ანალოგიური ხასიათის, სირთულისა და შინაარსის მომსახურების შესრულების დამადასტურებელი დოკუმენტების ასლები (ხელშეკრულებები, მიღება-ჩაბარების აქტები).

2.5. ინფორმაცია პრეტენდენტის სპეციალისტთა გამოცდილების შესახებ:

2.5.1 პრეტენდენტს ტენდერით გათვალისწინებული მომსახურების გასაწევად უნდა ჰყავდეს შესაბამისი პროფილის კვალიფიცირებული სპეციალისტები, რომელთაც უნდა გააჩნდეთ ტენდერით გათვალისწინებული ანალოგიური ხასიათის სირთულისა და შინაარსის მომსახურების გაწევის არანაკლებ ერთი წლის გამოცდილება;

2.6 ფასების ცხრილი:

2.6.1 ფასების ცხრილი წარმოდგენილი უნდა იქნას დანართი №3 შესაბამისად;

2.6.2 სატენდერო განცხადებით გათვალისწინებულია წინადადების ფასის დღგ-ის გარეშე წარდგენა, პრეტენდენტი წინადადების ფასში არ ითვალისწინებს დღგ-ს, მიუხედავად იმისა, არის თუ არა იგი დღგ-ს გადამხდელი საქართველოს კანონმდებლობის შესაბამისად. შერჩევა-შეფასება ხორციელდება წარმოდგენილი წინადადების ფასების მიხედვით. თუ ხელშეკრულების დადების მომენტისთვის პრეტენდენტი არის დღგ-ს გადამხდელი საქართველოს კანონმდებლობის მოთხოვნათა შესაბამისად ხელშეკრულების ღირებულებაში გათვალისწინებული იქნება სატენდერო წინადადების ფასის შესაბამისი დღგ-ს ოდენობა, გამარჯვებულმა პრეტენდენტმა შესაბამისად უნდა წარმოადგინოს ცნობა დღგ-ს გადამხდელობის შესახებ.

2.6.3 შემსყიდველი, გაწეული მომსახურების დასრულების შემდეგ ახდენს გაწეული მომსახურების საბოლოო ღირებულების 10%-ის დაკავებას, საპროექტო

სახარჯთაღრიცხვო დოკუმენტაციით გათვლისწინებული შესასრულებელი სამუშაოების შესრულებამდე, საპროექტო სახარჯთაღრიცხვო დოკუმენტაციის მიხედვით შესასრულებელი სამუშაოს ხარისხის უზრუნველსაყოფად;

2.6.4 თუ მიმწოდებლის მიერ შედგენილ საპროექტო სახარჯთაღრიცხვო დოკუმენტაციში დაშვებული (აღმოჩენილი) იქნება ხარვეზი (უზუსტობა, შეუსაბამობა) რომელიც მნიშვნელოვნად (ნაწილობრივ ან/და აბსოლიტურად) შეცვლის საპროექტო სახარჯთაღრიცხვო სამუშაოების მოცულობას, ხასიათს, შინაარსს (პუნქტების პოზიციებს), განფასებასა და ვადებს, ამავე მუხლის 2.6.3 ქვეპუნქტის შესაბამისად დაკავებული 10% ანაზღაურება შემსყიდველის მიერ არ მოხდება, გარდა ობიექტური მიზეზით გამოწვეული შემთხვევებისა, რომელიც უნდა დადასტურდეს შემსყიდველის მიერ დოკუმენტალურად;

2.6.5 გამოვლენილი ხარვეზის (უზუსტობის, შეუსაბამობის) სანაცვლოდ დაკავებული 10 %-ის თანხის აუნაზღაურებლობა (არანაზღაურება შემსყიდველის მხრიდან) მიმწოდებელს არ ათავისუფლებს საპროექტო დოკუმენტაციის შესაბამისობაში დაუყონებლივ მოყვანის ვალდებულებისაგან;

2.6.6 სამუშაოების წარმოების პროცესში მიმწოდებელი ვალდებულია აღმოჩენილი ხარვეზი აღმოფხვრას შეტყობინების (წერილობითი ან ელექტრონული ფორმით) მიღებიდან 5 (ხუთი) კალენდარული დღის ვადაში, დამატებითი ანაზღაურების გარეშე.

2.6.7 სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-9 მუხლის 1¹ პუნქტის შესაბამისად, შესყიდვის თავისებურებიდან გამომდინარე (ინტელექტუალური მომსახურება) შემსყიდველი ორგანიზაცია არ ითვალისწინებს ფასწარმოქმნის ადეკვატურობის დასაბუთების ვალდებულებას.

2.7 ანგარიშსწორების პირობები:

2.7.1 ანგარიშსწორების ფორმა - უნაღდო, ვალუტა - ლარი;

2.7.2 შესაძლებელია შუალედური ანგარიშსწორება მიმწოდებელთან ერთ-ერთი პროექტის დასრულებული სახით მოწოდების შემდეგ, მიღება-ჩაბარების აქტის გაფორმებისა და საგადასახადო დოკუმენტაციის წარმოდგენის შემდეგ 15 (თხუთმეტი) სამუშაო დღის განმავლობაში.

2.7.3 საავანსო ანგარიშსწორება არ გამოიყენება.

2.8 ხელშეკრულების პირობების შეუსრულებლობა:

2.8.1 ხელშეკრულებით ნაკისრი ვალდებულებების, წარმოდგენილი კალენდარული გრაფიკის შესაბამისად, შეუსრულებლობისა ან/და დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,5% პროცენტის ოდენობით;

2.8.2 იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 5% პროცენტს, შემსყიდველს უფლება აქვს შეწყვიტოს ხელშეკრულება.

2.8.3 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

2.8.4 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%-ის ოდენობით;

2.9 მომსახურების მიღება-ჩაბარება:

2.9.1. მომსახურების მიღება-ჩაბარება განხორციელდება გამგებლის ბრძანებით შექმნილი კომისიის მიერ.

2.9.2. მომსახურების მიწოდებისას პირველი ეტაპის (საკვლევ-სამიებო სამუშაოები) დასრულების შემდეგ, თუკი მიმწოდებლის მიერ არ იქნება წარმოდგენილი საბოლოო დადებითი დასკვნა მშენებლობის განხორციელების შესაძლებლობის შესახებ, შემსყიდველი უფებამოსილია მიღება-ჩაბარება გააფორმოს მხოლოდ პირველი ეტაპის მომსახურებაზე, აქედან გამომდინარე მიმწოდებელს არ უნდა გააჩნდეს პრეტენზია აუთვისებელი მომსახურების ანაზღაურებაზე.

3. მიმწოდებელმა ტექნიკური დოკუმენტაციის სახით სისტემაში უნდა ატვირთოს შემდეგი დოკუმენტები და ინფორმაცია:

ა) კომპანიის რეკვიზიტები

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ბანკი კოდი:

ანგარიშსწორების ანგარიში:

ელექტრონული მისამართი:

ბ) ინფორმაცია შესყიდვაში მონაწილეობის მსურველი პირის მიერ განხორციელებული პროექტით გათვალისწინებული ხასიათის ანალოგიური მომსახურების შესახებ.

გ) ფასების ცხრილი „დანართი 1“-ში მოცემული ფორმის შესაბამისად;

დამატებითი ინფორმაცია: სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, დაბა ხულო ტაბუსერისძის ქ.№1, 1 სართული ოთახი №19. საკონტაქტო პირი: დავით ქონიაძე მობ: 598 09 05 49.

დანართი №1

ფასების ცხრილი

N	ობიექტის დასახელება	ობიექტის სავარაუდო ღირებულება (ლარი)	პროექტის ღირებულება (ლარი)	საპროექტო დოკუმენტაციის წარმოდგენის ვადები არაუგვიანეს
1	2	3	4	5
1	საკვლევ-სადიებო სამუშაოები			15 დღე
2	საპროექტო სამუშაოები	60 000		35 დღე
	სულ ჯამი			

პრეტენდენტის დასახელება -----